

*Sigle: Lk*

*Aufbewahrungsort: Fürstl. Waldburg zu Zeil und Trauchbursches Gesamtarchiv*

*Signatur: ZAMs16 (früher Hs. 22)*

[207v,01]SAnt anzhelm begerte von gote  
lange czeytt / Mitt vaften vnd mit weynen  
vnd mit andechtigem herczen Das er Im  
erwurbe von feyne<sup>z</sup> lieben müter marien  
das sie Im künt#dete / wie ir liebes kint  
den tod erlieten hette / Do er also lange  
in dieser andechtigē begirden was  
Do erscheyn Im vnser frauwe / vnd spr(=)  
ach meyn liebes kint hat also bitter  
martel erlitten / Das ane weynen nye=  
man gereden mag / wan ich aber so grofz(=)  
lich erhohet / bin / So mag ich nit me wey=  
nen Doch|wil ich dir sagen Das leyden  
meynes Kindes Sant anzhelm sprach  
owe aller#liebste frauwe wie was  
deynes Kindes leyden anefang / Maria  
sprach Do meyn kint hete gefzen mit  
feynen Iüngern do ging Iudas czu den  
furfthen der Iüden / vnd verkaufft / meyn  
kint vmb dreyfzig pfenīge die heyfzent  
yfmahelite / vnd warent / das die#selben  
pfennige Do Iosep wart vmb gegeben  
vor daufet Iaren vnd habent die  
[208r,01]Pfenīge die Iuden geerbet / von iren  
vorfarn / die mein kint do ver#kaufftē  
vnd Ieglicher also gut / als CZehen ge(=)  
meyner pfennige Do Iüdas die#selben  
pfenīge fach / Do was er ir also ge(=)  
ring / vnd gefielen Im also wol Das  
er in mein kint / gab / vnd hette Im  
meyn kint / Das dicke vor#gefeytt /  
Doch liefz er nit / abe er verkauffte

in in den dor Sant anzhelm sprach  
frauwe wert du do#bey maria spra(=)  
ch neyn ich Aber du falt / wiffen das  
mein kint / den Iungern ire fufze wü  
gewufche vnd feynen leyp vnd fein  
plut / gefegent / vnd in fufzicklich ge(=)  
Predigt hette / do ging mein kint  
enweg mit feynen Iüngern in den  
garten an dem ole#berge vnd ent(=)  
fchl<i>effent / Die Iüngern Do ging er  
furbas also ferre als man mit ey(=)  
nem ftein gewerffen mag / vnd bettet  
vater an vnd sprach also vatte' von  
hymelreych Er#hore mich nach deyner  
[208v,01]groffen parmherczykeyt / küm mir in mey(=)  
nen engften / vnd in meynen nottē CZu hilffē  
Sanct anzhelm sprach war#vmb bad  
er feynen vater an / Do sprach vnfer  
frauwe / Im was also angeft / gegen feyner  
marter Das er plut / fwiczete von allem  
feynem leybe wan er wufte vor#hin wol  
alles Das er leyden folt / wie fein antzlicz  
folte werden verfpüwen wie er folte  
werden gegeyfehelt / vnd die fchemlichn̄  
wort / Die fie CZu Im sprachen wie der  
diep wol weys das er fterben müß do(=)  
ch erkennet er nit Die pitterkeyt Des  
todes Pis Im das feyle wurt gebündē  
an den hals / Aber mein kint wefte vor(=)  
hin wol als das er leyden folte / wie fein  
antzlicz folt werden verfpüwen / wie er  
folt werden gegeyfehelt vnd die fchem(=)  
lichen wort / Die fie CZu Im sprachen  
vnd auch Die pitterkeyt / eyns iegelichē  
leydens / Im drang das plut aufz von  
allem feynem leybe Dar#vmb wan er

wol wüfte Das die Iuden So geringe  
[209r,01]gegen Im waren Das sie kein erbermde  
vber in wollten han vnd do er also gebet  
tet vnd sprach Ist es möglich vatter  
So vber#heb mich dirre grofzen peyn  
doch fal dein wille erfüllet werden Do  
erscheine Im ein engel vnd drofte in vnd  
sprach he're seyft ftete / wan du falt alles  
menfchlich künne erlöfen / vnd do ging  
meyn kint / wider vnd sprach mogent  
ir nit ein weyl gewachen mit mir Er  
nahet vast der mich hin wil geben Do  
quam Iudas mit vil gewapente Iuden  
vnd sprach CZu den Iuden CZwen seint  
gar gleych ein#ander / das ist Iacob  
vnd ihesus / Do#von geb ich euch ein  
CZeychen Den ich kufze Der ist es Den  
greiffent an vnd heben in vast / vnd  
furent in gewerlich / Do er das gespr(=  
ach Do ging Ihesus gegen der schare  
vnd sprach wen suchent ir Sie sprachn  
Ihesum nafarenū / Do sprach er ich bin||s  
Do gient sie hinder sich vnd fielent  
[209v,01]vff die erde Do sprach aber mein kint  
Suchent ir mich So lant diefe gen Do  
meynde er die Iüngern / Do ging Iudas  
vnd kufte Ihesū / Do sprach ihesus Iudas  
wilt du des menschen kint hin#geben  
mit eyme küfze Do CZu#hant fingen die  
Iuden mein kint / Do CZoch peter fein fwert  
her#aufz vnd slug eym Iuden#knechte fein  
recht ore abe Der hies malchus / Do faczte  
meyn kint Das ore wider an / vnd was  
CZu#hant genesen / vnd sprach Peter Du  
das fwert wider in fein scheyden wan  
alle die do slagent / mit dem fwert Die

werden auch gerichtet / mit dem fwert  
weneft du nit Wolte ich hilffe Der  
vate<sup>4</sup> fente mir mer dan CZwolff fchar  
der engel Der Iegelich hette fechs#vnd(=)  
fechzig#vnd#fechs#huīdert#daufent vnd  
do meyn kint alfo vngeftumecklich wart  
gefurt / Do liefzent in die Iungern vnd  
fluhent alle von Im Sant anzhelm  
fprach aller#liebefte frauwe wert du  
do CZu#gegen Do dis gefchach Maria  
[210r,01]fprach neyn ich / war#vmb fprach fant  
anzhelm du hetteft in doch alfo lip  
do fprach maria do meyn kint vō dem  
nacht#mas mit feynen Iungern ging  
in den garten betten do was es nacht  
worden vnd en|zam nit wol das frauwē  
der CZeyt nachtes aufz werēt gewefen  
ader funden Sant anzhelm fprach o  
aller#fufzefte frauwe wo were du Do  
fprach maria ich was in meyne<sup>4</sup> fwefter  
haufz Iohañes ewangeliften müter Sant  
anzhelm fprach wer fagt dir do wie  
es deym kinde gegangē was Maria  
fprach Nu vernym anzhelm Das es gar  
kleglich ift CZu fagen / Die Iunger komen  
gelauffen vnd Iemerlichen weynende  
vnd fprachen O müter vnd maget dein  
gemeyntes kint vnd vnfer lieber he<sup>4</sup>re  
vnd meynfter ift gefangen vnd gebundē  
vnd wifzent nit war fie in hin habent  
gefuret / ader obe er nach lebe ader  
fie in habent / ermordet ader wie es  
[210v,01]vmb in ftande des en|wiffen wir nit Sant  
anzhelm fprach ach liebe frauwe was  
deft / du do Maria fprach wie wol ich  
erkant / Das er den menfchen folt erlofen

Doch von pitterlichem leyde So wart mir  
fymeons fwert Durch mein fele getrügen  
Sant anzhelm sprach wo wart er hin(=)  
gefuret / Maria sprach in kayphas  
fweher haufz anna Das ftünt nahe bey  
dem tempel CZu iherufalem vnd do ka(=)  
ment / Die Iuden CZu#famen vnd fragetē  
in von feyner lere vnd von feynē Iungern  
do antwert er vnd sprach er hette offent(=)  
lich gebrediget / in dem tempel Do alle  
Iuden CZu#famen kament / vnd heymlich  
hat er nit geleret / vnd do#vō sprach er  
ir follent fragen Die meyn lere hant  
gehoret / Die können euch wol gefagen  
mein lere Do ftünd eyne<sup>z</sup> do vnder in  
der gabe vnferm he<sup>z</sup>ren eyne grofzē gry(=)  
mlichen hals#flag vnd sprach CZu Im  
wie gedarft||u dem bifchoff alfo geant(=)  
werten Do sprach mein kint als ein fenft(=)  
[211r,01]mutiges lemlein han ich vnrecht / geret  
das falt||u beczeügen / wan ich abe<sup>z</sup> recht vnd  
wol geret / war#vmb haft||u mich dan  
geflagen Do verbünden fie Im fein augē  
als eynem diebe Das man doch keym  
diebe dut / er werde dan verurteylt /  
CZu dem tode Sie fspotent fein alle die  
nacht / vnd ver<f>püten Im fein augē vnd  
fein antlicz vnd flugen in vnd sprachēt  
nü weyfzfrage vns wer hat dich geflagē  
vnd Iohānes was do#bey CZu#gegen do  
fie mein kint alfo vbel handelten vnd  
wan er den bifchoff erkante do furte  
er Petrū auch in das haufz / Do den  
fach die torwerterin Do sprach fie du  
bift auch feyne<sup>z</sup> Iungern eyner Do ley(=)  
ckente Petrus vnd fwor drey eyde

das er nit wette wer mein kint were  
nach in nie hette gesehen vnd czu#hant  
wart der han krewen Do sach in ihs  
an Do wart Petrus gedencken an das  
wort Das ihesus czu Im sprach  
[211v,01]E der hane krewen do haft||u meyn drey(=  
ftünd verleyckent / vnd do ging Petrus  
aufz dem hauz vnd weynde fast von  
ganczem herczē vnd rauwe in fein mif(=  
fedat Sant anzhelme sprach wo were  
Du do liebe maria do difz geschach Do  
sprach maria CZu#hant / Do ich v<sup>z</sup> nam  
von den lüngern Das meyn kint gefan(=  
gen was Do erfarbe mir der leyp vō  
grofzem herczē#leyde vnd ftund vff mā<sup>z</sup>ia  
magdalena vnd lieffent hin alle beyde  
CZu dem tempel vnd hortent ein grofz  
geruffe vnd ein geschelle in dem häu(=  
fe Do mein kint in wart gefurt / vnd  
were gerne CZu ihm meynē kinde ge(=  
wefen do wolten sie mich nit CZu Im  
lan Do bleyb ich hie aufz ftene vnd  
weynde vnd schrey Owe mein gemyn(=  
tes kint Owe aller meyn troft Owe ey(=  
niges kint meyns wie fal es mir ellen(=  
den deyner müte<sup>z</sup> ergan Ader war fal  
fā ich Aber mā<sup>z</sup>ia die lieff al vmb vnd  
lugete ob sie Irgent / mochte in gesehen  
[212r,01]in das hauz wie es vmb Iren lieben  
meynfter ftunde Do quam sie an e<sup>y</sup> fenste<sup>z</sup>  
vnd horte wie fein petrus verleyckende  
Do ging es ir gar nahe czu herczē Das  
meyn kint / So gar eyne ftund vnder  
feynen feynden Das fein nach dan petr<sup>9</sup>  
verleyckende der vnferm he<sup>z</sup>ren vor  
ander<sup>z</sup>n lip was vnd sprach ihesus

lieber he're mein wie ift es ergangen  
wie wil es nach enden feyt dem der  
verleycket / hat / der nechten ſprach  
Er wolt ſterben mit mir Aber ich ftund  
vol hercze#leydes Do ich hort den ſpot  
vnd die ſcheltwort / vnd die geſchel(=  
ſchlege vnd das laſte' das ſie meynē  
kinde an#daten vnd do petrus bitter(=  
lich geweynet hette dor#vmb das er  
meyns kindes het verleyckent Do  
ging er her#aufz vnd fant vns ftende  
in grofzem leyde vnd wir fragenten  
petrüm wie es vmb mein liebes kint  
ftunde Do ſprach er mit weynenden  
augen Owe aller#liebſte frauwe meyn  
[212v,01]Es wart ein menſch nie So vbel gehandelt  
als meyn he're ane alle erbermde gent  
ſie mit Im vmbe vnd dodent in do lieff  
petrus enweg vnd verbarge ſich vnder  
eynem ſtein vnd kam nit er#fur bis er  
ſtarbe an dem kreucze ꝛ ċ  
Sant anzhelm ſprach ſage aller(=  
liebſte was dete Du do Maria  
ſprach Do ſchneyd mir Das ſwert vō  
dem mir fymeon geweyffaget hette CZu  
dem andern male durch meyn ſele Sant  
anzhelm ſprach ſage mir maria wie  
ging es Dor#nach Maria ſprach Do es  
tag wart / Do wart / er gefuret / in kay(=  
phas haüfz Des biſchoffes vnd do fach  
ich in erft / Nach#dem Das er gefangen  
wart / vnd lieff Im do nach vnd fach  
das mynecklich antlicz an / Das was vō  
der Iüden ſpeycheln Alfamet verſpuwet  
vnd bekleybet / vnd do mit weynender  
ſtyme ruffte ich O aller#fuſzeftes kint

meyns wie fehe ich dich fo Iemerlich  
gehandelt ften / wie han ich dein fchones  
[213r,01]antlicz mit fo grofzen freyden vnd wie  
fehe ich dich nü § in fo grofze<sup>u</sup> bitté<sup>u</sup>keyt  
meyns herczē vnd do hette ich meyn CZar(=)  
tes kint gern vmb#fangen do wolten die  
herten Iuden mich nit CZu Im lafzen Mer  
ich wart her vnd dar geftofzen vō Im  
vnd wart vbel gehandelt / von den bofzen  
Iuden vnd do lieff auch das volck CZu Als  
do man eynen diep wil v<sup>u</sup>derben vnd ver(=)  
vrteylt ift / in den tod Do fprach fant anz(=)  
helm liebe frauwe hetteft du kein CZu#ver(=)  
ficht Das er des todes mocht obe<sup>u</sup> werdē  
vnd das fie in liefzent leben Do fprach  
Maria ich er#kante wol Das er alfo vil  
weyfhzeyt hette vnd alfo vil fprechen  
künde wolt er es han getan Er hette Im  
felber wol Dannē geholffen Aber er ftünd  
vol herczeleydes als ein vnſchuldiges lem(=)  
lein vol fenfftmutikeyt an gerichte vnd  
fweyge Sein antlicz was auch fo mÿneck(=)  
lich an#CZu#fehen das ich gedachte  
Sie worden fich Erbarmē vber in Aber  
[213v,01]Vber vnlange Dar#nach do wart das  
fchone antlicz Alfo mit Iren heyftzen fpey(=)  
cheln als vaft bekleybet Das er eynem  
aufzfezigen gleych ftund / wan fie Iahen  
vil falſcher geczeugen vff in vnd fprachēt  
er wer ein verkerer Des volckes vnd  
kayphas Der fraget / in obe er criftus were  
Do fprach ihesus fage ich es euch So gle(=)  
ubent / ir mir nit Nach lafzent mich nit  
reden Doch follent ir wifzen fur die war(=)  
heytt Das ir werdent des menſchen kint  
fehen ficzen CZu der rechten hant gottes



Des vatters / vnd das er wurt kümende  
in den wolcken mit großem gewalt vnd  
herfchafft Do CZur#CZarte Der bischoff Im  
fein kleyder vnd sprach was bedorffen  
wir me gezeugnisse Ir habent wol ge(=)  
hort / wie er got hat gelefert was düncket  
euch Das er v<sup>r</sup>schuldet habe Do rufftēt  
sie alle gemeylichen er hette verschuldet  
den tod Do ich difz geschrey vnd difz  
[214r,01]geruffte horte do ginge mir fymeons  
fwert durch mein hercz Sant anzhelm  
sprach wo wart er hin#gefuret liebe ma(=)  
ria Maria sprach CZu dem richte<sup>r</sup> pylat<sup>9</sup>  
Sant anzhelm sprach hetteft du kein czu(=)  
verficht / liebe maria Ia sprach maria  
Ich hette gut CZu#verficht wan do das  
volck dar quam Den er dick fufzickli(=)  
ch hette gebrediget / vnd in ire sichen  
gefunt machte / vnd in der wufte speyfet  
do gedachte ich sie wurdent in vō der Iu(=)  
den hende lofen Do rufften sie alle CZum  
richte<sup>r</sup> vnd sprachen pylatus du falt /  
in kreuczigen vnd CZeyhent in er hette  
gesprochen er were gotes fūn vnd were  
ein künig Der Iuden Do fraget in py(=)  
latus obe er were ein künig Do sprach  
~~pylatus~~ Ihesus redest du das vō dir  
felb<sup>r</sup> ader haft||u es gehort / von andern  
Iuden Do sprach pylat<sup>9</sup> bin ich dan  
ein Iude deyn volck vnd deyne bisch(=)  
offe hant dich mir gegeben was haft||u  
[214v,01]getan do sprach mein kint / were meyn  
reych in dirre welt / Meyn diener hettēt  
mich wol vor der Iuden gewalt / besch(=)  
irmet / Do sprach pylat<sup>9</sup> So sehe ich  
wol das du bist ein künig nach / do spr(=)

ach ihesus Du haft / es gesprochen wan  
ich pin ein künig vnd bin dar#vmb ge(=)  
born vnd in diefe welt komē Das ich  
gezeugnifz gebe Der worheyt vnd eyn  
Iegelicher der von der worheyt ift der  
horet meyn ft̄yme / was ift dan die war(=)  
heyt ſprach Pylatus CZu dirre frage  
wolt ihesus nit antwertē wan hette er  
pylatus vnder#weyfet / was die warheyt  
were gewefen So hette er in gelediget  
von den Iuden vnd von dem tode vnd  
were der menſch nit erloft worden  
von dem ewigen tode Do Judas fach  
das ſie ihesum nit wolten laſzen leben  
Sie wolten in toten do gerauwe es in  
vnd gabe in die dreyfzig pfennige wi(=)  
der vnd ſprach Ich han gefunden ~~wi(=)~~  
~~der~~ Ich han das vnſchuldige plut hin(=)  
[215r,01]geben Do ſprachent / die Iuden was get  
vns das ane du wurft / es wol befinden  
vnd do warff Judas die pfennige hin  
in den tempel vnd ging vnd hing  
ſich ſelber Dor#nach rieff pylat<sup>9</sup> den  
Iuden CZu#ſamē vnd ſprach Ich finde  
keyn fache in dieſem menſchen das er  
den tod leyden folle vnd ſie rufftent  
do wider alleſamet / er hat das volck  
verkeret durch alle lant vnd durch  
die Iudeſcheyt / von gallilea bis an das  
lant Do pylatus horte das ihesus  
von gallilea burtig was Do ſante er in  
CZu dem kunige erodes Der was in den  
CZeyten CZu iheruſalem Do herodes nü  
fach meyn kint Do was er gar fro  
wan er hette in lange begerte CZu ſehen  
wan er hette vil von Im gehoret ſagen

vnd gedachte er wurde etlich czeychen  
vor Im thün vnd fraget in vil fragē  
Obe er das kint were Do fein vater  
die kindelein vmbe det verderben  
[215v,01]vnd obe er der were der lafarus het er(=)  
quicket / vnd wider lebende hette gema(=)  
cht / vnd bad in das er ein CZeychen vor  
Im dete So wolt er in erledigen vō den  
Iuden Ihefus der fweyg vnd wolt Im  
nit antwortē vnd herodes faczet Im  
eyn kron vff fein heupt vnd sprach er  
wolt in deylhafftig machen feyns reyches  
dete er ein CZeychen vor Ime Do fweyg  
aber ihefus Do ftunden die Iuden vnd  
verrugēte aber ihus vnd sagten vil  
falfcher wort vor herodes Do sprach  
fant anzhelm nü sage mir fufze ma'ia  
was czu#verficht hetteft du do Do fpr(=)  
ach maria Ich gedachte herodes würde  
Im bey#geftan vnd wurde in den Iuden  
benemē Do verfmahet / er meyn kint  
vnd fpot fein vnd leyd Im ein weys kleyd  
an vnd fante in wider CZu pylato vnd  
die CZwen wurden verfunet / wan fie wo(=)  
ren ein#ander feynt /  
NV wefte pylat<sup>9</sup> wol das die Iuden  
[216r,01]So gr̄yme gegen meynē kinde waret  
das fie in gern hettēt verderbet wo  
fie Im czu mochtē fein komē vnd do#vō  
So fant er in mit foliche<sup>4</sup> hute czu hero(=)  
des Das Im die Iuden vnderwegē nit  
mochten gethün Do ihefus wider kam  
CZu pylato Do ruffte er den Iuden CZu(=)  
famen vnd sprach Ir hant mir diesen  
menfchen geantwurt / fur ein v<sup>4</sup>kerer  
des volckes nu han ich in gefraget /

vnd finde kein fache von den dingen  
des ir in CZeychent / Nach herodes hat  
an Im nit funden das er ſchuldig ſey  
an keyner vngerechtikeyt / Do#vō wol(=  
lent ir ich lafz in euch wan ich euch  
doch müfz eynen lafzen vō euwrs hoch(=  
gezeytes wegen Do was eyne<sup>4</sup> gefangē  
ymb eynē mort Der hiefz baraban vñ  
was ein morde<sup>4</sup> Do ſprachen ſie alle  
er ſolte baraban den morde<sup>4</sup> lafzen  
gan vnd ſolte Ih̄m toten Do ſprach  
pylatus was hat ih̄us dan vbels  
[216v,01]getan Ich finde kein fach vff in das Im den  
leyp mage genemē wollent ir ich heyfz  
in CZuchtigen vnd ſlagen vnd lafzt in dan  
gan Do rufften ſie aber mit laute<sup>4</sup> ftyme  
du falt in kreuczigē Do ſafz pylat<sup>9</sup> CZu  
gerichte Do fant fein weyp CZu Ime  
vnd ſprach du falt dem gerechten me(=  
nſchen kein leyd an#thün vnd meynde //  
Iheſum vnd enbot pylatus Sie hette  
vil vō ſeynē wegen erlittē in der nacht  
vnd in dem gefichte Do nam pylatus  
iheſum vnd hiefz in binden ane ein grofze  
faule Die was alfo grofz Das ſie vnſer  
he<sup>4</sup>re nit mocht vmb#klofftern vnd mit  
riemen müften ſie Im die hende CZu#fa(=  
men#binden vnd hiefz in ſlagen an der  
faule Das vō der ſcheyteln pis vff die  
ferffen kein gancz flecke beleyb vnd was  
aller fein leyp gar czurzerret vnd plu(=  
tig Das er ſcheyn als ein aufzſecziger  
menſch Sie flochtent auch ein kron die  
was von dornē vnd ſaczte ſie Im vff  
[217r,01]fein heupt / ~~das Im das plu~~ vnd leytē  
Im ein pfeller gewant an vnd quamē

CZu Im in fspotēs weyfe vnd fprachen CZu  
Im he<sup>r</sup> Iuden#kūnig got grufz euch vnd  
flugent Im hals#ftreych vnd druckten  
Im die krone alfo fere vff fein heupt  
das Im das plut das antlicz abe#flos  
vnd alfo gecronet vnd mit plute beronnē  
So fürten fie ihēfū CZu pylatū vnd p̄y(=)  
latus furte in her#aufz vnd fprach fehēt  
wo euwer kunig ift Do rufften fie alle  
hebe in vff hebe in vff vnd kreuczige in  
Do fprach pylat<sup>9</sup> nemēt ir in vnd kre(=)  
uczigent in Do fprachēt fie wir hant  
ein gefecze vnd nach dem gefecze fal er  
fterben er hat gefprochē er fey gotes  
fün do das pylat<sup>9</sup> horte do erfchra(=)  
cke er gar fere vnd furt in ī das  
richt#haufz vnd fprach czu Ihefū Sage  
mir wanne bift||u ihēfus der fweyg  
vnd antwert Im nit Do fprach pyla(=)  
tus war#vmb antwert du mir nit  
[217v,01]weyft||u nit / Das ich gewalt han dich  
czu laffen wie ich wil Do fprach ihēfus  
du en hetteft / vbe<sup>r</sup> mich keynen gewalt Er  
wer dir dan gegeben oben erabe Aber der  
mich dir hat gegeben Der hat grofzer  
fünde getan dan du do hette Pylatus Ihe(=)  
füm gern gelafzen do rufften die Iuden  
alle left||u in gan So bift du nit des keyfers  
freünt wan wer fich eynen kunig heyfzet / Der  
ift / wider den keyfer Do pylatus das er(=)  
horte vnd fach das die Iuden nit wolten  
ab#lafzen vnd das geruffe ie me vnd ie me  
wart Do nam er wafzer vnd wufch fein  
hende vor dem volck vnd fprach ir follēt  
wiffen Das ich vnſchdig / wil fein an des  
gerechten menſchen dot //

DO sprachēt sie alle fein plut fey  
vber vns vnd vber vnser kint do  
lifz pylatus baraban gan der was gefangē  
vmb eynē mort Do liefzent / Die Iuden  
den#selben morder vnd fingen ihesum vō  
nafariet vnd verteylten in CZu eyne  
schmelichen tode Des kreuczes / Do sneyt  
[218r,01]mir fymeons fwert / durch mein leyp vnd  
fele Sant anzhelm sprach fufze frauwe  
wie ging es dir dar#nach Do sprach ma'ia  
sie nament mein kint / vnd leyntent Im ein  
kreucz vff feynē rucke vnd furtent / in aufz  
an die ftat / Do man die boszen leute v' derbet  
das kreucz was grofz vnd fwere vnd was  
er also kranck worden von dem leyden  
Das er litten hette Das er das kreucz nit  
mocht getragen Do czwungen sie eynen  
der hiefz fymeon das er Im müft helffen  
das kreucz tragen Das daten sie nit vō  
erbernde mere dar#vmb das er es vō  
kranckheit / nit selber mochte getragen  
Sant anzhelm sprach folget du Im nach  
Ia sprach maria Das volck lieff Im nach  
recht als eynē diebe den man will henckē  
Im lieffēt die kinde nach vnd wurffent /  
ftein vff in vnd die frauwē gingent vmb  
in vnd weynden Do kert er sich CZu den  
frauwē vnd sprach ir dochter vō iesum  
nit weynet vbe' mich weynēt vbe' euch  
selber vber ewre kint wan es komēt  
[218v,01]nach die tage das sie werden sprechen Se(=  
lig feint die die do warhafftig fein vnd  
funde me gedaden So werdent / sie auch  
sprechen Ir berge vallent vnd ir hulen  
bedeckent vns wan habent sie das getan  
in der Iugent / vnd in der kintheyt was /

werdent / fie dan in dem alter thün  
DO wurden auch CZwen mit Im aufz#ge(=)  
furet das worent morden<sup>4</sup> gewesen ~~de~~  
die wolt man auch v<sup>4</sup>derben vmb ire bofzheit  
vnd das deten fie Im czu fchandē meynē lie(=)  
ben kinde vnd do fie in aufz#furtē do was  
das getrenge alfo grofz vnd was ~~da~~ des vo(=)  
lckes alfo vil Das ich nirget mochte czu Im  
komē do ging ich vnd maria magdalena  
ein ander gaffen vmb das wir czu Im mochtē  
komē vnd do wir vmb gelieffen do begeget  
vns meyn kint vnd do er mich fach in allen  
feynen nottē do neyget er fein heupt vñ  
fprach ach hercze#liebe müte<sup>4</sup> Ich dancke dir  
aller der liebe vnd der czucht / vnd alles des  
gutes vnd das du dem temppel meyns leybs  
alfo gar czertlich mit deyner armüt erzogē  
haft / vnd mit deynē arbeyten vnd mich  
in allen meynē nottē geliefz du hulffest /  
[219r,01]mir gern obe du mochtest / vnd lieffest mir  
nach wie vermehet / ich bin von alle<sup>4</sup> der  
welt / vnd do fie in furten an die ftat die  
do heyfzet caluarie Do kreuczigtē fie in  
vnd die czwen fcher vnd hingen eynē czu  
der lincken hant / den andern czu de<sup>4</sup> rechtē  
hant / vnd mein kint / in die mitte //  
Sant anzhelm fprach nu fage mir liebe  
frauwe wie daten fie Im vnfer fraw  
fprach Do hore anzhelm gar kleglich mere  
das doch kein ewangelift / fchreybt / Do fie qua(=)  
men an die ftat / do die do heyfzet / caluarie  
do czogen fie Im abe alles fein gewant das  
ein vaden an feynem leybe nit beleybe  
do erftarb mein hercz Do fie Im das grofz  
lafter erbotten vnd ging dar v<n>erschrock(=)  
elich vnd ane alle fcham vnd czoch ein duch

von meynē heupt / vnd bant es felber  
vmb feynen leyp vnd was der#felbe  
fleckē alfo gar vnrein Der do heifzet  
caluarie do fie mein kint gefuret hatē  
vnd was alfo vermehet das man nit  
Pofzer ftat / mochte finden Man ſchant  
do hūnde vnd ſchelmē vnd hinge man do  
[219v,01]diebe vnd entheupet / man die morde<sup>z</sup> vnd  
was der ſmack Das in kam Ieman erleydē  
mochte vnd an der vnreynē ftat / leyten  
fie das kreucz vff die erden vnd leyten  
meyn kint rucklingen dar#vff vnd nageltē  
Im die eyne hant / an das kreucz vnd was  
was der nagel alfo grofz das er die wūn(=)  
den alfo fere erfulte Das ein plutes#tropffē  
dar#aufz nit ging vnd namen feyl vnd //  
būnden Im die andern hant vafte aufz#ein(=)  
ander gingen vnd der nagel was auch alfo  
grofz das fie in auch durch die andern  
hant flugen das er auch die wūndē alfo  
fere erfulte Das auch kein plutes#dropff  
nit dar#aufz ging Dar#nach namē fie aber  
ftarcke feyle vnd būnden Im an fein fuße  
vnd danten Im alfo fere das die gefch(=)  
riefft / erfult wart an dem pfalter // Dinü(=)  
meraüerūt oia offā mea // Sie hattē in alfo  
fere gefpānen Das kein gelid wan an allem  
feyme leybe man hette es wol funderlich  
geczelt / Durch fein haut / vnd do fie in alfo  
CZur#fpanttē Do faczten fie Im eynē fuß  
vff den andern vnd flugen Im do eynen  
[220r,01]nagel durch beyde fuße Das der was  
auch alfo gros Das Im das plut nit mochte  
aufz gefliffen von der grofzheyte / des nagels  
vnd do ich die hamerflege horte do was  
Die weyffagunge an mir erfullet / als der



künig sprach an dem pfalter / Aude filia  
et vide / Recht / als obe er CZu Im spreche  
hore dochte<sup>4</sup> die bitterlichen hame<sup>4</sup> flege  
vnd sich die manigfeltige not die ich leyde  
an meynen henden vnd an meynē fufzen  
vnd an allem meynē leybe vnd do ich die  
grofzen hamerflege horte Do ging fymons  
fwert czu dem funfften mole durch meyn  
hercz Do namen fie do das kreucz vnd  
huben es vff mit meynem kinde do was  
das kreucz also hoch das ich ~~meine~~ feine fufze  
mit meynē henden nit mochte geruren  
Owe das Iemerlichen anplickes des ich  
~~vnd do er vff#gericht was~~ do sach wie  
vngeleich der was Do ich fein heupt vñ  
fein kintlich antlicz ane#sach vnd do er vff(=)  
gericht was an dem kreucze vnd do er  
begunde hangē von der fwere feyns hey(=)  
ligen leybes Do brachen die wunden vff  
[220v,01]an den henden vnd an den fufzen vnd ran  
das plut also fere von Im als ob es vō  
fier prūnnē aufz#ging Nu hatte ich ein ge(=)  
want / an als Do gewonheynt was in dem  
lande das frauwē trugen Das gewant  
was also gemacht / Das es das plut vnd  
allen den leyp bedeckte vnd was weyt  
als ein leynen#dich vnd das#felbe gewa(=)  
nt was alles rot von feynem plut das  
vff mich ran Sant anzhelm sprach owe  
reyne frauwe wie erging es dar#nach /  
vnfer fraw sprach Do fie in gekreuczigtē  
do deynten fie fein gewant / vnder#ein#and<e><sup>4</sup>  
do hat meyn kint ein gewant das was  
gewircket an alle not Das woltē fie nit  
CZurbrechen wan es gancz ift wir sollen eñ  
lofz werffen wellem es also gancz werde

Difz gefchach dor#vmb Das die gefch(=  
riffet erfüllet wurde in dem pfalte<sup>z</sup> das  
der weyffage fprach // Diuiferüt fibi vefti(=  
menta mea // Mein gewant // hant fie czur(=  
teylet / vnd vff mein kleyt hant fie ein  
lofz geleyt / vnd dar#nach hiefz pylat<sup>9</sup>  
fchreyben vber das kreucze mit dreyer(=  
[221r,01]hende fach In krichifch in ebreyifch vñ  
lateynifch Ihefus nafarene rex Iudeoz  
das müte die Iuden vnd fprachen war(=  
vmb haft du gefchriben der Iuden künig  
du folteft han gefchribē das er fpre(=  
che er were ein künig der Iuden do fpr(=  
ach pylatus das ich han gefchriben  
das ift gefchriben Dor#nach gingē fie  
für das kreucz vnd wurffen ir heupt /  
vff gegen Im gar fpotlich vnd fprachen  
das ift der den tempel wolt CZurbrechn  
vnd an dem drittē tage wolte in wider(=  
machen / bift||u gotes fun So gang her#abe  
von dem kreucze vnd behalte dich felber  
vnd auch vns Do fprachen die furften  
der Iuden auch gar fpotterlichen Er  
halff andern leutē vnd kan Im felber  
nit gehelffen bift||u der künig vō Ieru(=  
falem So ganck ab dem kreucz So wollē  
wir dir glauben er getrauwet got der  
hulffe Im auch ob er wolle wan er fpr(=  
ach er were gotes fun Sant anzhelm  
fprach liebe frauwe do man fein also  
[221v,01]fpottet fprach er icht d<o>r wider vnfer  
frauwe fprach er bate für fie vnd fprach  
vergib in wan fie wiffent / nit was fie tün  
do ftund auch das gemeyne volck vnd fpo(=  
tten fein vnd biettē wie es ein ende wolte  
nemen do mochte er wol czu mir fprechen

Audi filia et vide / hore dochte<sup>4</sup> die grofzen  
fluchwort / vnd sich die klegliche not / Ich  
weys wol das du mich enpfingest von  
dem heyligen geyst / vnd das du mich //  
druegest / vnd gebereft / maget / vnd mute<sup>4</sup>  
vnd das du mich czertlich speyfezt mit  
deyne<sup>4</sup> megentlichen milch vnd du mich  
liplich vnd mynicklich erczuegest / vnd das  
du mir alzeyt / mit treuwē nach#gingft  
do#von follent / ir es nit an mich glauben  
das ich sey gotes fün czarte frauwe vnd  
mute<sup>4</sup> So gelaube aber du vnd erbarme  
dich vber mich Do ging mir aber fyneons  
fwert czu dem Sechften male durch meyn  
hercze vnd durch meyn fele vnd dar(=)  
nach in allen feynen notten do mochte  
er spottes nit hin#komen von dem schecher  
[222r,01]der bey Im hing czu der lincken hant der  
sprach czu Im in eyne spotte feyft||u crift<sup>9</sup>  
So behalt dich selbe<sup>4</sup> vnd auch vns do  
antwort Im der ander fcher czu der rechtē  
hant / fein gefelle vnd sprach czu Im furch(=)  
eft||u nit got / vnd du in der#felben verdam(=)  
vnge bist Aber wir enpfahen billich vnd  
von der schulde das man vns dut do  
dette dirre he<sup>4</sup>re nie vbel vnd do er fey(=)  
nen gefellen also straffte do sprach er  
czu meynem kinde he<sup>4</sup>re erbarme dich  
vber mich So komeft in dein reych do  
sprach mein kint / czu Ime Ich sage dir  
werlich du salt heute bey mir in dem  
paradeyse fein Sant anzhelm sprach  
liebe frauwe was det du do / vnser frauwe  
sprach do ftund ich bey dem kreucz vnd  
Iohes meyn kint / bey mir vnd meyn fwe(=)  
fter maria bey mir maria magdalena

vnd waren grofzes herczen#leydes vol  
Ich fāch in hangē vnd leyden not vnd  
mochte Im czu † keynē scaden komen  
vnd do er mich in grofzem leyde fāch  
vor Im ftan vnd Iohes meynē fwefter  
[222v,01]fün dem er So vil czart funderlich liebe  
hat erzeygt / wan er meynet in aufz#gemey(=  
ncklich vor allen den andern do wolte er  
mich nit vngetroft / lafzen vnd fprach czu  
mir frauwe ich bin dein fün Dor#nach fpr(=  
ach er czu Iohes fich nu wo dein muter  
ift / Do was es an der fechften ftundt des  
tages vnd wart ein grofz vinfternus vbe<sup>4</sup>  
alles das ertrich vnd vff die mone  
wart / Do fprach meyn kint vnd fchreÿ heli  
heli lamaffabatani / Mein got / mein got  
war#vmb haft||u mich v<sup>4</sup> laffen do fprach<sup>n</sup>  
die Iuden er ruffet Elyam wir follen fehen  
obe er kom vnd in erlöfe Do wufte meyn  
kint wol das die weyffägunge an Im vol(=  
lenbracht / was vnd fprach fico mich durft  
do nam er ein fchafft / vnd fulte in mit  
efzig / vnd mit gallen vnd boden meynē kinde  
drinken das er d<sup>e</sup>fter E fturbe vnd do er  
den effig / verfucht / do fprach er Confu=  
matū eft / Es ift alles vollenbracht / vnd  
fprach vater ich befelle dir meynē geÿft  
in deyn hende vnd do er difz gefprach  
[223r,01]do neyget er fein heupt / vnd fchiet fein  
gotlich fele von feynem heyligen leybe  
vnd do verlaſch die fünne vnd czurczart /  
fich der vmb#hanck enmitten enzwey  
in dem tempel vnd erfchotte fich das  
ertrich vnd czerfpilten die fteyn vnd  
vollicklich der fteyn do das kreucze vff(=  
geftellet was der czur#fpilt vō#ein#ande<sup>4</sup>

vnd daten sich die greber vff vnd erstu(=)  
nden vil heyligē leut vnd komē in die  
stat / czu Ierusalē vnd liefzen sich do  
schauwen do ftundt ein he're bey dem  
kreucze der was genāt Centorie vnd folt  
meyns Kindes huttē vnd ande' ritter die  
pylat' dar gefelt hette vnd do die sie  
die grofzen czeychen fahen do erschra(=)  
cken ↔ sie vil fere aber der centorio  
lobet mein kint / vnd sprach werlich  
dirre ift gewefen gotes fūn Sehent/  
wie sich die elementē erbarmēt vbe'  
Iren schoppffer aber die Iuden wolten  
kein erbermde vbe' in han do ftundē  
auch meynes Kindes freūde von  
[223v,01]frauwen die Im waren nach#gegangen  
von gallilea vnd fahen es alles difce pu(=)  
er dū tēpus habes Sant anzhelm sprach  
nū sage mir reyne frauwe hatte dar(=)  
nach dein herczleyt ein ende neyn es anz(=)  
helm hore ein clegelich mere was nach do  
mordes begangen an meynē kinde wart /  
an dem tage do sie mein kint / also lefter(=)  
lich hatten erdottet / der#felb tag / heyffet  
pafephe das sprichet der ftille freytag  
do was der ander tag der tag fabatū das  
das was der hochczeytlich tag den die  
Iuden begingē vnd dar#vmb das die ley(=)  
cham nit hangeten an Irem ofter#tag Do  
gingen die Iuden czu pylato vnd baten in  
das er meynē kinde vnd den andern fche(=)  
chern hiefz ir beyn czubrachen mit kolben  
das sie defter e fturben das sie nit hange(=)  
ten an dem ofter#tag / vnd hiefz pylatus  
feyne richter das sie meynem kinde vnd  
den fchechern beyde ir beyn an allem leybe

<c>zurbreche / do fie fahen das fie dot warē  
do wolten fie auch meynem kinde alfo  
[224r,01]han getan do was er felbe<sup>z</sup> dot vnd do  
fie fahen das er dot was do woltē fie  
Im fein nit czubrechen das die fchrieff  
erfullet wurde die von dem gewaren  
ofter#lamp ſpricht / Os meū cōmūnitis  
ex|eys des ofter#lemles bein follent / gancz  
bleyben vnd ging ein ritte<sup>z</sup> vnd ftach  
meynē kinde eynen grofzen ſpies durch  
fein hercze vnd von der wündē gingen  
czwen grofz brūnen eyne<sup>z</sup> von plute der  
ander von wafzer vnd do ich fach das  
nit benüge aller der martē<sup>l</sup> die mein  
czartes kint erlittē hette Sie woltē ſich  
auch an feynem doten leyb rechen do  
wart meym herczē alfo we rech als  
mir der ſpies durch mein hercze were  
geftochen do hette ich gern geweynet /  
do was meyn hercz vnd aller meyn leyp  
vnd alle meyn nature Alfo durre an  
mir werden von weynen vnd vō grofzem  
lamer vnd arbeytten ~~die~~ die ich  
erlitten hette beyde nacht vnd tag das  
ich eynen trehē nit mochte erzigen  
vnd das mein ftyme alfo gar an  
mir erftarp das ich ein wort / nit mochte  
gefprechen do was die weyffagūge an  
[224v,01]mir erfullet / do ſymon czu mir ſprach  
Et tuā ip̄i<sup>z</sup> āia<sup>z</sup> ptr̄nſibit gladi<sup>z</sup> // Das die  
martel meyns kindes durch me<sup>y</sup> hercz  
vnd durch meyn fele folte gan vnd ſchney(=  
den als ein fwert / wan das fwert / feyner  
martel ha<t>te czu dem#felben mole durch(=  
ftochen meyn fele vnd allen meyn leyp  
vnd do ich meyn kint mit dem mūde nit

geclagen mochte Do sprach ich mit dem  
herczē Owe meyn czartes kint Owe fufzes  
vnd mynickliches kint Owe lieb vō allem  
liebe wo ift nü der troft den ich alle  
meyn tage an dir han gehebet mochte  
mir Ieman gehelffen das ich fur dich  
fturbe Owe meyn liebes kint vnd do fein  
gotlich fele von feyme leybe fchiet Do  
fur fein fele hin czu der hellen vnd wart  
do grofz freude / do er dannē nam adam  
vnd alle die feynē willen hettē getan vnd  
beflos die helle das nümer ein fele  
dar#in komē mag wan mit Irem eygen  
[225r,01]willen Er beflos fie mit dreye<sup>4</sup>#hande fach  
mit rechte<sup>4</sup> reuwe mit laute<sup>4</sup> beychte mit  
gewarer pufze vnd wer die flos czurbricht  
der müfz Iemer do beleyben vnd mag /  
nümer dannē kumē //

[[S]]ant anzhelm sprach fage mir liebe  
frauwe wie erging es dar#nach  
vnfer frau sprach Ein gute<sup>4</sup> man der hey(=  
ffet / Iofehp der was von eyne<sup>4</sup> ftat die  
heyfzet aromathia der was heymlich me(=  
yns Kindes Iunger wan er forchte die Iudē  
der ging czu pylato vnd bat in das er Im  
gebe meynes Kindes leyp das er in begr(=  
ube vnd sprach zu pylato Ift es das  
du nit balde erleubest / das man in begra(=  
be So verdirbet fein müte<sup>4</sup> die ift die rey(=  
ne frauwe vnd ift die feligest die Ie ge(=  
born wart / vnd die hat alfo grofz clage  
vnd alfo grofz Iamer an ir hat / das fie  
vns alfo fere erbarmet das wir es kam  
gesehen magen vnd vns alfo we dut /  
als ob fie vnfer eygen muter were  
do facht er in das er dot were vnd fagt

[225v,01] Im auch die grofzen czeychen gefchehen  
waren do nam pylatus grofz wunder  
das er alfo fchier dot was vnd hiefz Io(=  
fepen das er mein kint ab dem kreucze  
neme vnd in begrube nach allem feynem  
willen Nu mercke anzhelm ein kleglich  
dinck do Iofehp mein kint abe dem kre(=  
ucze lofte do ftund ich vnd fach vff So  
Im fein arm erlediget wurden das ich  
fie danne empfinge alfo ~~en~~ empfinge  
ich ein arm nach dem andern vnd dru(=  
cket in an meyn hercze vnd kofte in mit  
grofzem herczēleyd vnd do er ab dem  
kreucz wart erloft / do leyttten fie in vff  
die erde neben das kreucz do viel ich  
balde nider vnd nam fein heupt in mein  
fchos vnd fprach mit grofzem herczēleyt  
czartes kint was droftes fal ich nu han  
So ich dich dot for mir fehe do kam mē  
kint Ioh̄es ewangelift / vnd viel vff fein  
pruft / vnd vff fein hercze vnd fchrey  
ein Iemerlichen fchrey vnd fprach Owe  
Owe Owe vff dem herczē ruget ich  
nechten menniglich vnd czertlich obe  
[226r,01] difche owe vff diefem herczē dranck ich  
nechten vngefeglich fufze Owe nü enpfa(=  
he ich vngefeglich pitte<sup>4</sup>keyt / do kame  
petrus gelauffen vnd klagete mit gr̄fzem  
Iamer vnd weynete das er fein verleuck(=  
ent hette do quam maria magdalena de<sup>4</sup>  
klage was vor alle klage vnd vil fur me(=  
yn kint / mit grofzem Iamer vnd fprach  
Owe droft / vor allen droften wer fal mich  
entfchuldigen vor fünden dan dein czarte<sup>4</sup>  
münt vnſchuldig machen von allen meyn(=  
nen fünden Owe wer fal nü meyn fur(=)



fprech gegen meyne' fwefter gegen der du  
mich verfprecht / Do fie dir vō mir  
clagete Owe deynen czartē fufzen die mich  
nit ftiefzen do ich fie kofte Owe der reynē  
fufze die ich wufchte mit drehern vnd  
du mir es nit gundeft / Owe ꝛ edeln fufze  
die mich nit verfmehetē do ich fie druckēte  
mit meym hore vnd ander manigfeltige  
clage hette fie ob meyn kinde do kam  
Iacobus meyner fwefter fūn dem man  
fprach das er meynes kindes bruder  
were wan er was Im gar gleych an allem  
[226v,01]feynem leybe dē fprach mit grofze' clage  
Owe he're liber he're wie ift dein mynick(=  
liches antlicz Im felber So vngleych wordē  
vnd wie ift/ aller dein leyp fo Ieme'lich  
czu#martelt / wan von der fcheyttel bis czu  
der ferfchen eyneft nit vn#verferet an  
allem deynem leybe Owe he're liebe' meyn(=  
fter vnd he're geftern was dein mynick(=  
liches antlicz meyn gleych wer mag nū  
gefprechen das ich dein brude' fey wan  
du bift mir gar vn#gleych worden vnd  
grofzer vnd manyger herczeklicher clage  
do fw<e>r er das er nūmer nit wolte en(=  
beyffen E das meyn kint erftūde von  
dem tode das befchach er er was ane efzen  
vnd ane drincken bis an den ofter#tag  
do erfchin Im meyn kint funderlich do  
er an feynem bette lag vnd fprach gar  
gutlich czu Im Iacop bruder nu ftant  
vff vnd an#beys das des menfchen kint  
ift erfandē von dem tode die andern  
kamē gelauffen mit grofzem fchal vnd  
clageten allen mit manickfeltigē drehern  
vnd mit grofzem Iamer das fie vō Im

[227r,01]gelauffen waren vnd nit mit Im in den  
tod gegangē waren vnd do ich vnd die  
Iungern mit grofzem leyde bey Im faffen  
do erfrewt vns mein kint mit der erftē  
freyden nach feynē tode Sein leyp der vor  
vns tod lag der wart / also mynicklichen  
vnd also fchone vnd also vn#verwechfelt /  
als ob er nie kein flack ader kein wündē  
enpfangē hette wan die funff czeychen  
belieben also gancz vnd offen die er an dem  
Iungftē tage czeygen wil aller der welte  
do#von gewonnē wir gar grofz freude vñ  
do man in begraben wolt / do hette ich als  
grofz Iamer do ich mich von Im fcheydē  
folt das ich in vmb#fing mit meynē mü(=  
terlichen armē vnd mit meynē krefften  
vnd hette in gern gehebet do nam mich  
meyn kint Iohes vnd wolte mich dannē  
furen do fprach ich zu Im Owe Iohes  
mein liebes kint lafz mir meyn todes  
kint das ich das lebendig nit haben  
mag Ader ~~hyf~~ hilff mir das ich mit  
Im begraben werde do fprach Iohes  
meyn kint czu mir owe liebe frauwe  
vnd muter meyn Nu weyft du doch  
[227v,01]wol das es nit anders mochte nach folt  
fein wan menfchliches künde mochte ane  
deynes Kindes dot nit erlofet werden vnd  
vnd do er dis geret / do namen fie mir in  
wider meynē willen vnd drugen in czu dem  
grabe vnd do fie in dar#in geleyttē do  
vil ich vff das grab vnd hette anders nit  
begert / wan das man mich mit Im begrabē  
hette do nam mich meyn kint Iohes vnd  
wolt mich dannē furen do fprach ich mit  
grofzem leyde Owe Iohānes mein liebes

kint / laß mich genießzen der grofzen treuwe  
die dir mein kint / erczeygete in feyner  
groften not / do er mich dir gab czu eyne<sup>4</sup>  
mutter vnd dich mir czu eynem kinde vnd  
laß mir nit gefchehen den grofzen gewalt  
das man mich fcheyde von meynē kinde  
wan ich gern hie bey Im meynes endes  
warten wil vnd herczicklich weynde vnd  
do nam mich meyn kint Iohes wider mey(=  
nen willen vnd furte mich in meyne<sup>4</sup> Swe(=  
fter hauff feyner müter vnd do mich die  
erfach das meyn gewant / von plut alfo  
rot was das von meynes kindes plut  
an mich gefloffen was do ich vnder  
[228r,01]dem kreucz ftunde do hatten fie grofz er=  
bermd vber mich vnd fprachen Owe ge(=  
walt / ift in dirre ftat heute gefchehen an  
dirre mynicklichen frauwen vnd an Irem  
reynen kinde Alfo bleyb ich in meynen Swe(=  
fter hauff vnd von grofzem herczeleyde  
hette ich kein krafft / So ich do faß So wolt /  
mir fein gefwonnen So ich vff#ftundt / So  
viel ich wider nider So ich lag fo was  
meyn hercze bey meynem kinde vnd be  
dem grabe vnd were gern vff#geftandē  
So en|mocht / ich von herczeleyde vnd vō  
kranckheyt Ich weynete vnd hette grofzen  
lamer bede nacht vnd tag Mich kunde  
meyn hercze#liebes kind Iohānes nit ge(=  
troften nach meyn fwefter Nach Maria  
magdalena die von der liebe meynes  
kindes bey mir w<e>ren die mich kanten  
vnd alle meyne freünde Nach alle die  
mich fahen die kunden mich nit getro(=  
ften vnd wurden die wort an mir er(=  
fullet / Die Ieremyas der weyffag lan(=)

ges vor mir gesprochen hette Plorās  
plorauit / in nocte et lac<sup>r</sup>me eius in max(=)  
[228v,01]illis eius Sie weynet tag vnd nacht die  
dreher waren an Iren wangen vnd konde  
fie nyeman vnder allen Iren freunden ge(=)  
troften Owe anzhelm hore ein klegeliches  
herczeleyd das hube sich aber an mir do  
meyn fwefter vnd maria magdalena sich  
bereyten mit edeler falbe vnd wolten  
gen czu dem grabe das fie mein kint  
Salbtten vnd do fie von mir gingen do  
müft / ich von rechter kranckheyt in dem  
haufz beleyben das det mir also we das  
es vnfeiglich was wan mir viel ein hercz(=)  
leyd vff das ander do ich mit dem ley(=)  
be nit mochte dar komē do was meyn  
verfertes hercze alzeyt bey Im vnd ge(=)  
dachte an fein czartes antlicz das ich fo  
dicke han frolich an#gefehen vnd an fey(=)  
nen fufzen wort / von feynem gotlichen  
münde dicke waren gefloffen vnd wie  
er verratē wart von feynen freunden  
vnd was er flege vnd ftoffe vnd spottes  
hette empfangen do er gefurt wart in  
des bifchoffs haufz vnd wie fur der furfte  
petrus hat verleucknet / vnd do er vor  
[229r,01]gericht ftand vil gefchreyes do vff in  
wart / vnd wie fie vor herodes hetten  
vnd wie vngezoglich vnd wie lafte<sup>r</sup>lichen  
er mit Worten aufz#gefuret wart vnd wie  
Im fein kleyder abe#gezogē wurden vnd  
an die grofzen hamerflege do Im die na(=)  
gel geflagen wurden durch fein hende  
vnd durch fein fufze an das kreucze vnd  
wie er getrencket / wart mit weyne der  
war gemifchet / mit gallen vnd do er mit

grofzer ft̄yme ſchrey mich durftet nach  
menſchlichem heyl das Im do eſzig czu  
drincken wart gegeben vnd das ſie nit  
benüget feynes gr̄ymen todes ſie erfihe<.>  
ſich an feynē toden leybe vnd ftachen ein  
ſper durch ſein feyttē vnd do ich dis al(=)  
les bedacht / do ſprach ich mit eyner  
Iemerlichen ft̄yme Owe m̄ynicklicher /  
vnd fufzer got / Ihefus vnd menſch ſcho(=)  
ppffer vnd he're aller nature wie recht  
pitte'lichen du von den menſchen er(=)  
dottet biſt / durch des willen das die  
menſcheyt / von mir deyner dreuwen  
[229v,01]an ſich neme O wer den hymel macht /  
das ertreych macht das mere macht / das  
abgrunt nit begreyffen mag der leytt /  
beſlofzen in eynē fteyn Owe der vō dem  
alle creaturē lebent / vnd van dem die ele(=)  
menten Ir frucht hant vnd ir ſten vnd vō  
dem die toten werdent lebendig vnd der  
die engel vnd die himel hat geſchaffen  
vnd der alles licht hat gemacht / der leytt  
in der vinfternüfz in eynem beſlofzen  
grabe Owe der ewige vnd der wirdick(=)  
liche he're der vmb alle menſchen wart  
das er den verlorn menſchen wider#br(=)  
echte der mochte feyner <nit> kintheit / nit geniffē  
do er lag an meyner pruft / vnd ir begert  
In fuchte herodes das er in erfteche  
O wie vndanckberlich die hant enpfangē  
durch der willen er vff ertrich quam  
vnd gotlich mit In wandelt / vnd die toden  
erquicket / vnd die ſichen machte gefüt  
vnd allecz<e>it gute werck eygete vnd do  
ich in dirre groffen klage was vnd do  
in meyn ſweſter maria magdalena

meyn kint fuchten vnd in hatē gelofzen  
[230r,01]wan ich en|mocht / in nit gefolgen czu dem  
grabe Do quam mein kint mit alfo grofze  
klarheytt / vnd mit alfo grofzer herfchafft /  
vnd vngefegliche ꝛ freyde vnd was fein  
antlicz vnd aller fein leyp alfo gleych  
vnd alfo fchone vnd alfo durchlechtig  
als der weyffage ſprach Specioſ forma  
p̄|filijs hoīm / Er was der aller#fchoneft /  
vor aller menfcheyt kundē vnd do er  
mir alfo gewalticklich vnd mit aller gr(=)  
offer herfchafft / vnd klarheytt / erfcheyn  
do fach er mich alfo m̄ynicklich vnd alfo  
gotlich an das ich alles herczeleydes ver(=)  
gafz das ich von Im ie gewan vnd  
grufzte mich lieplich vnd czertlich vnd  
ſprach zu mir feyft gegruftet m̄ynick(=)  
liche muter vnd maget / gefegent obe  
allen frauwen lafz dein grofze clage  
dein kint ift erftanden von dem tode  
do#von lafz dein grofz lamer vnd dein  
vn#mefzige bitteꝛkeytt / czu#hant viel ich  
nider vnd kufte fein fuſze vnd ſprach  
czu Im Ein ewiger fun des vatteꝛ von  
himmelreich vnd mein czartes kint

[230v,01]Ich lobe dich das die menfchliches künne  
mit deyme tode vnd mit deyner martel  
erloft haft / vnd fy der ~~der~~ vatteꝛ von  
himmelreych gefegent ꝛ ċ her Iohan fchuch  
x <lxix> Iar